



ATASSUT

UPA 2016/23

Steen Lyngø

15.04.2016

**Uunga siunnersuut: Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaata allanngortinneqarneranik Inatsisartut inatsisaat nr. x, xXx 2016-imeersoq (Saarullit, kullerit, saarulliusaat aamma suluppaakkat akitsuutaat)**  
**(Aningaasaqarnermut Aatsitassanullu Naalakkersuisoq)**

Atassut tunngaviummik akitsuusiinernut akuersaartuunngilaq taamatullu aallartitanut akileraarusersuineranut. Tamanna pissuteqarpiarpoq Atassut isumaqartuummat akitsuusiinerit tamatigit siunniutigisartagarimmagu aallartisarussutsimut unissaataasarmat taamatullu pilersiterussutsimut akitsuusiinerit atuutilersinneqareeraangata.

Taamaattorli Atassut-miit isumaqarpugut avaqutaarsinnaanngikkipput Akileraartarnermut-Atugarissaarnermullu naggasiumminni taasaat pinngortitamiit aalisakkatigit pisuussutigut taakuummata inuiaqatigiit pigisaat. Aammalu taamatut naggasiuteqarnerup toqqammavigivaa innersuussutigineqarmat Akileraartarnermut- taamalu Atugarissaarnermut ataatsimiititaliaruup ukioq 2011 isumalitissiissummini, tassalu inuiaqatigiit aalisarnerup iluani pisuussutinut akitsuummik atuutilersitsisoqartariaqartoq.

Politik-ikkut isumaqatigiissutaasuvoq aalisarnek tassaammat Kalaallit Nunaata ataatsimoorullugu pigisarigaa, taassumangalu toqqamaveqarluni akitsuutinik atuutilersitsisoqartariaqartoq taamatut ataatsimoorullugu pigisanik atuinermi.

Matumani siunnersuummik akitsuusiliinissaq saarullinnut, kullerit-nut, saarulliusaanullu taamatullu suluppaakkanut imatut paasisariaqarpoq Naalakkersuisut taarseraattareernikut ukiorpanni ataatsimoorullugu pigisanut pisuussutinut akitsuusiinissaamut anguniagaannut naammassinninnerusoq.

Atassut isumaqarpoq GE-miit tusarnianermut piffissaliussap sivikippallaarnearanut uparuaassut qaqliissutigineqartoq paasinarfeqartuummat, malitsigisaanilli peqqutissaaleqinngimmat, tassami pineqartumut Aningaasaqarmut Naalakkersuisoqarneq nikeraaffiusimammat, inatsisissatullu siunnersuutip tusarniaassutiginiissaata angutsernerani ilimasaarisogaareernikuvoq akitsuutinik atuutilersitsiumaarnissaq.

Atassut-miit Aalisarnermut, Piniarnermut Nunalerinermullu Naalakkersuisoqarfik iluoornerassavarput isumakulunnartoqarfeqarmat aningaasanut inatsit annerpaartaatigit aalisarnek kisiat toqqammavigivallaarmagut. Siunissami aningaasanut iantsisip annertaa misikkarissilissammat toqqammavimmigut. Taamaattumik Atassut-miit Naalakkersuisut akissuteqaataannut iluoorneraassaagut allatigit isaatitsiffisanik pilersitsisoqartariaqarmat.

Taamatut oqaaseqarluta Atassut siunnersuut ingerlaqqinniassammat taaseqataassaaq.

Qujanaq oqaaseqarnitsinnut !